



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum, die Jovis vigesimâ-secundâ  
mensis Decembris, anno Domini M. DCC. LXXXV.

M. JOANNE-NICOLAO MILLIN DE LA COURVEAULT,

Doctore Medico, Præside.

*An congestioni abdominali lactæ puerperarum acutæ, vulgò Febris puerperalis, diâ  
Ipecacuanha?*

I

UTERUS sexcentarum, in mulieribus, ærumnarum causa. Sunt, ut ita  
dicam, cuique, debilis hujus sexus, ætatum periodo, proprii morbi. Vix  
floriscentis libertatis limen salutarunt scæminæ, jam menstruis apparentibus, sæva  
ipsis neverca, immensum doloris stadium, natura, aperire videtur. Quot enim,

A

E

quantæ, quamque diversæ, per maximam vitæ curriculum partem, ab illis purgationibus, pravè se habentibus, sobolescant malorum species, neminem later. Innumeras experiuntur vices, tum gestationis, tum ipsius partus decursu, gravidæ parturientesque. Nova tandem, sed non minus reformidanda, puerperas minantur pericula. Infantem vitæ commisit mater, & cum ipso, velut agmine facto, omnis generis, erumpunt undiquè morbi, in parentis perniciem.

Illas inter ægritudines, primas sibi vindicare, lætæam abdominis congestionem, *febrem puerperalem* dictam, uno ore fatentur omnes. Verum non ita consentiunt circa funestissimi morbi naturam, causas & curationem. Ab Hippocrate, ad nostrum usque tempus, medicorum scripta, de hoc morbo, accuratè perscrutanti, miranda sanè & fortè lugenda, sententiarum varietas innotescet. (a) Non nostrum tantam, inter tantos viros, componere litem. Sufficiat modo, ut dum Charybdim evitare conabimur, in scyllam non incidamus.

## I I.

**A**NTIQUIS non ignotus hic, de quo agimus, puerperarum affectus; *adivum*, quippè, senem coïm, multos que alios (b), non latuisse certum est; à néotericis (c), attentius observatum, accuratiusque descriptum fuisse, nemo negat. Paucis ab hinc annis, de puerperali morbo, clarissimi, ex professo, disseruerunt angli complures (d). At quantum debeant sævissimæ ægritudinis

(a) Alii inter quos *Willis*, *Etmüller*, & *White*, prædictum considerant affectum ut febrem putridam, ejusdem ac ipsamet carcerum febris, ferè naturæ; congestionemque abdominis esse purulentam docent.

Inflammatorium hunc morbum conclamant alii, cujus sedes, modo uterum, ex *Hoffmanno*, aliisque benè multis; modo intestina, vel stomachum, juxta *Halmium*, & clar. *De la Roche*; modo omentum. afferente *Leakio*, occupat.

Nonnulli ut *Denmanius* & *Johnsonius*, puerperarum febrem, ex inflammatoriâ & putridâ Diathesi compositam statuunt, dum scilicet hanc primò statum inflammatorium, deïa putridum percurrere prædicant.

Sunt tandem, ut Doctus *Ermerins*, qui illam, ex initio, merè gastricam esse tenent, ex foribus primarum viarum, ipsaque bile depravatâ, ortam.

(b) Consule *Hippocratem*, de morb. mulier, lib. 1. sect. 5. epidem. lib. 1. 3. &c.; *Paulum Ægi- netam*, de re med. lib. 3. cap. 64; *Aëtium*, tetrab. 4. serm. 4. cap. 83, &c. &c.

(c) Videas potissimum *Willis*, tract. de febr. cap. 16., *Etmüller*, oper. tom. 3. lib. 4. sect. 8. cap. 19. art. 2; *Peu*, Pratic. des Accouch. liv. 1. chap. 12. liv. 2. chap. 1.; *Puzos*, Trait. des Accouch. ex edit. clar. *Morizot Deslandes*, D. M. P. pag. 172.; *Poulet*, Mélang. de Chirurg. pag. 18.; *Levet*, Art des Accouch. part. 1. chap. 3. & imprimis clariss. *De la Roche*, Genèv. Méd. Recherches sur la Nature et le Traitement de la Fièvre puerpérale.

(d) Doctores scilicet *Denman*, *Johnson*, *Millar*, *Mannings*, *Hulme*, *Leake*, *White*, *Kirkland* & *Butler*, in operibus variis, anglico idiomate conscriptis, quorum titulos hic referre supereraneum duximus.

notitia, imprimis que curatio, experientissimis, saluberrimi nostri lycæi, magistris, xenodochiorum præsertim curæ præpositis, quis inficias eat (e)?

Invadit, igitur, ægram subito morbus, absque ullo prævio symptomate. Prægnationem, omni incommodo immunem, feliciorum que partum, sæpe sæpius subsequitur. Tertiâ, post infantis è sinu materno exclusionem, die, ordinario apparet; quandoque citius, ocyus raro. Tumet tunc abdomen; dolores experitur vehementissimos; non imminuntur lochiæ; mammæ nedum turgeant, citò fatiscunt; febris oritur sensibus obvia, moderata tamen; pulsus est parvus, concentratus, paulisper acceleratus; exhauriuntur vires. Priora hæc signa, morbi verè pathognomonica, cunctis ægris sunt communia.

Ab aliis quandoque stipantur, sed non in omnibus circumstantiis; horrore; scilicet, plus minus-ve intenso, in morbi invasione existente; vomitu materiæ viridescantis, vel ex albo flavescantis; sæpissime verò nanseis absque vomitu; diarrhæâ, denique, lacteâ & foetidissimâ; caligant oculi; vultus decoloratur; lingua, ut vulgo solet, humida, sed muco operata albo, spisso & ad basim, ut plurimum, ex flavo viridescente, deprehenditur. Descripta mox symptomata primâ invasionis die prodeunt.

Paucis in horis ingravescent; exilior & ferratus fit pulsus; ubera remanent flaccida; lacteæ crisi nequaquam locus est & brevi dolores abdomini atrocissimi intolerabiles que evadunt.

Versus secundæ diei finem, aut durante tertiâ, procellosis motibus succedit damnosa quies. Jam, jam sudor frigidus & glutinosus universam cutis pæriphæriam occupat; dejectiones alvinæ & lochiæ foetiditatem concipiunt maximam; tremulus fit pulsus & depauperatus; adest delirium & tandem mors sequitur promptiori pede, quæ sæpius ægrotantis cruciatibus, tertiâ decedente aut veniente quartâ morbi die, finem imponit.

(e) In actis Academiæ Reg. Scient. Parisi. anni 1746, pag. 160. clar. *Malouin*, annot. sagaciss. D. D. Col. de *Villars*, *Fontaine*, & Ant. *De Jussieu*, illum observasse morbum, duo scilicet Priores, in magno Parisiensi nosocomio, posterior autem in Urbis puerperis infirmæ conditionis.

Celebert. *De Bordenau*, illius apprimè indigavit causam, in eximio opere cui titulus, *Recherches sur les Maladies Chroniques*, pag.

Novas, de hac peculiari puerperarum affectione, observationes, in commentariis Facultatis inscripserunt, anno 1777, sapientiss. mag. *Sigault* & *Solier*. Hic ultimûs nosocomii magui medicus, postea, mense nimirum septembri anni 1782, suo & collegarum, celeb. scilicet *Dejean*, *Majault*, de *Montabourg*, *Danie*, *Philip*, *Mallet*, *Duhaume* nomine, saluberrimæ Facultati solemniter convocata, fidelem morbi historiam, tutamque curandæ methodum, à clariss. *Doulter*, nuperimè defuncto, feliciter usurpam, communicavit. Hac methodus à vigilantissimo decano M. *Philip*, Facultati jam præbentiata fuerat mense junio, proximè elapso. Medicorum nosocomii commentatio Typis, jussu & sumptibus Facultatis, demandata fuit.

Illam tandem Academiæ, eodem tempore, observationum, quas in Hospitio suburbii dicti de *Vaugirard*, sedulo collegerat, participem fecit, non satis laudandus M. *Doublet*, qui doctrinam suam deinde amplius promulgavit, in elegantiori operis D. de la Roche, relatione. Vid. *Diar. Med.* 1782. tom. 58. pag. 55. 445. 448. & 502. 1783. tom. 60. pag. 14. & tom. 61. pag. 3.

Secta demortuarum cadavera, congestionem manifestò lacteam, in abdominis cavitate propriâ diffusam, exhibent, ex cujus præsentia, solidarum hujus organî partium naturalis status & consistentia plus minus-ve alterantur; integritate tamen uteri, non nisi rarissimè, læsâ. Quantitatem duarum aut trium librarum adæquat latex hic, feri lactis non clarificari indolem referens, odore foetidissimo præditus, non nullisque, albidissimis, lactis coalescentis refertus frustulis, quorum pleraque superficiei intestinorum extimæ adherent (f).

## I I I.

**V**ARIIS, & certè gravioribus, exaratis accidentibus, natales præbere; lactei humoris in puerperarum abdomine metastasim, demonstrat attenta morbi consideratio. Quanam verò sit metastasis illius causa; & si arduum sanè & cognitu difficillimum, pro viribus explanare tentabimus. Illam in aeris prævi diathesi reponere nobis liceat.

Acrem pabulum vitæ, sanitatis columem, homini absolutè tum externè, tum internè necessarium esse, nemo nescit. Externa illius summa necessitas, pressione, ab ipso illatâ in vasa, evincitur; quæ si deficeret, extrâ modum sese expandere, debitumque amitterent tonum. Inconcussa pariter est illius necessitas interna. Inspiratione juvante, corpus subit animale aer spirabilis, aucto spatio, pulmone dilatato, circulationi favet sanguinis. Purpureo dein commixtus laticis, quocum partim combinatur, ad humorum secretiones excretionefque confert; forsan ope materiæ igneæ combinatæ, quæ ejus compositionem integrat. Cum alimentis quoque ingeritur, lacteorum oscula vasorum occupat & spiritum, si ita loqui fas est, vivificantem, antisepticum, singulis partibus, ad nutritionem, firmitatem & salubritatem communicat.

Porro si quâcumque de causâ vitietur aer atmosphæricus, vel ingestus vel inspiratus, majoremque, quàm par est, accipiat fluidi mephitici quantitatem (g), functiones tum vitales, tum naturales lædantur oportet. In puerperis autem,

(f) Periculosi, de quo agimus, affectus & acutissimi, non raro epidemicum contagiosum-ve characterem induentis, tres agnoscit species citatus M. Doublet, *Mémoire sur la Fievre à laquelle on donne le nom de Fievre puerpérale*.

In priori *Ephemera* nuncupatâ, partu momenti, intra viginti quatuor post partum horas, puerperas invadendi, adsunt ventris intermissio, dolor; apparet febris, brevi, ceteris cum accidentibus, locum lactis revolutioni cessura.

Secundam seu *puerperalem* proprie dictam febrem, mox delineavimus.

Tertia quam *Turdam*, appellat, clar. Doctor, nurricibus propria est. In hac ultimâ specie lac in mammis, jam de longo tempore secretus, illas vel subito vel sæpius lento gradu delinquit, abdominalem cavitatem penetrat, sævas que descriptas tragedias agit. Clar. *Leake & De la Roche*, distinctionem analogam in puerperali febre admittunt passim.

(g) Juxta recentiorum & præsertim celeberrimorum *Presley & de la Voisier*, Physica tentamina;

præprimis lactis generis & distributio subvertitur. Aer, scilicet, intrâ tubum intestinale correptus, alterationis externi aëris particeps, impedit quominus blandi, materni, oleosi que humores, qui, cum chylo mixti, materiem lactis præbent, ex arteriis hypogastricis ad mammas conscendant arterias, ipsarumque mammarum vasa impleant & distendant, vel saltem, jam secretum, in galactophoris ductibus, succum, ex superioribus ad inferiora devchant, habitâ ratione amissionis convenientis motus intestinorum, abdominalium que viscerum, tonici. Sed ubi, queso, insalubriores acquirere poterit proprietates, aer, quàm in nosocomiorum cubiculis, parturientibus destinatis, qui sedulo clausi sunt, magnâque ægrotantium copiâ referri? In illis, certè, duplex inuritur aëri labes, & respiratione, & insensibili transpiratione, ex quibus producitur fluidum valde mephiticum, respirationique nequaquam idoneum (h).

Insuper aëris vitii, fatalis in puerperis influxus, energiæ & actioni, jungi possunt, non spernendi errorum in dietâ, frigoris, animi anxietatis & similium, effectus sæpissime nocivi.

#### I V.

**M**ULTIPLICES artis conatus, auxiliatricis-ve naturæ molimina, ad nostrum utque ævum, pari gressu effugerat truculenta hæc puerperarum affectio. Infantum semper exitum experiebatur, immanita medicaminum internorum ac externorum farrago, plenâ manu propinata. Congestionem, extra vias circulationis accumulata, dissolvere, jam jam impossibile, merito prædicaverant, solertissimi in arte magistri. At illi præcavere quid clinico dignius?

Stabit ne otiosus acerbi eventus spectator, dum ad orci fauces trudit ægras, frustra institutus pharmacorum usus? Minimè. Quæ sese produnt symptomata, in remedii delectu, clarissimum *Doucet* hæere nequaquam sinunt. Sagacissimo naturæ scrutatori, ventris tormina, mammarum depressio, prostratio virium, nausæ, vomitiones, subindicant hærentem in secundis viis colluviem lacteam, nimiam

comprobatum est aërem atmosphericum duobus fluidis elasticis constare, aëre scilicet dephlogificato seu emmenter respirabili & aëre phlogificato sive mephitico: ita ut proportio prioris ad posteriorem, sed ut 1. ad 6. vid. exper. & observ. sur differ. esp. d'air... Oputc. phys. & chym. &c.

(h) Per experimenta, à physicis supra citatis, instituta, constat, aërem pulmones subeundo, nativam quantitatem amittere, ope absorptionis partis dephlogisticæ, unde prædominium acquirit phlogistica portio, seu mephitica, aëri atmosferico, per expirationem, restituenta.

Scimus etiam, ex observationibus comitis de Milly, & jam laudat *De la Voisier*, jugiter, ex peripheriâ corporis per poros, effluere substantiam ætheream, cum fluido mephitico maxime analogam. Confer. acta Acad. Reg. Paris. 1777.

que fibrarum laxitatem, ex laticis deviatâ pravâ indole, oriundam. Quid tunc sit agendum in promptu est. Congestos humores foras amandare, secundarumque viarum, nimis laxatum tonum & sopitas vires excitare, & roborare tentabit: quod mirè prestat ipecacuanha. Actionem igitur exerit, veluti specifica, radix brasiliensis, vel virtute quâdam subastringenti & leviter tonicâ, vel perturbatricium virium ope, proritando scilicet & convellendo universum intestinale sistema.

Talis est exhibendi modus. Invadente morbo, nec mora nec requies; quindecim adhibentur ipecacuanhæ grana, in duas doses divisa, horæ & semissæ interposito intervallo, insumenda; necnon crastinâ reiteranda die, recrudescentibus vel etiam mitigatis symptomatibus. Tribus aut quatuor vicibus, per totidem dies, mollis hujus emesis, continuatur usus; pro urgentium accidentium necessitate; quod rarissimè evenire, edocet praxis clinica. Vegetalis vomitoriî actionem proximè subsequi debet potionis haustus, ex olei amygdalarum dulcium uncis duabus, syrupi althææ unâ uncia, kermesque mineralis granis uno & altero, cochleatim exhibendæ. Potus verò ordinarius conficitur ex infusione lini feminis aut radicis scorzonæræ, admixtâ, edulcorandi causâ, sufficienti quantitate althææ tyrupi. Septem, denique, ab invasione morbi, octove elapsis diebus, blanda catharsis in usum venit, ex duabus v. g. mannæ uncis, unâque salis de duobus drachmâ, conflata; huic major energia, alia addendo medicamina, conciliari potest, terque aut quater repetitur, circumstantiarum, indicantium ve habitâ ratione.

Sic ad meliora revocantur fata puerperæ: sic salvas & incolumes has prestat, simplex simul & methodica agendi ratio, efficax potissimum, si tempore opportuno usurpetur. Verum, quod notatu dignum judicamus, sanantur ægræ, etsi revolutionis lactææ expertes omnino remaneant. Lac ad ubera parum vel minimè tendit. Congesta aut deviata materies per alvum subducitur; cum lochiis fluit; tandemque diaphoreticis diureticis-vè meatibus foras eliminatur. Sæpissimè quoque judicatur affectus hic, anasarcâ quadam lacteâ, aut eruptione cutaneâ ejusdem indolis. Lentè convalescentium membra torpore quodam, haud secus ac in chronicis rheumatismis, gravantur; aut etiam musculosis in partibus sese exhibent critici abscessus.

Methodum autem prophylacticam in hoc potissimum sitam credimus, ut causæ corrigantur morbi prædisponentes; aëris, itaque, salubritati quoquomodo in vigilabitur; errores vitabuntur in dietâ; animi curis & anxietatibus obviatur; arcebitur frigus; convenientibus mediis fovebitur intestinorum tonus; syccioque demum uberum statim à puerperio instituetur,



**S**I quid in arte medicâ, tanquam verum & inconcussum spectari potest, illud, certe, quod, huc usque, persecuti sumus; morbum nempe puerperalem à deviatione lactis & ejus in abdominis cavitate congestione, proximam originem ducere; dum, humoris revolutionem ordinariam procurare, natura recusat. Affectionem, itaque, esse *sui generis*, vel leviter attendent parebit; quidquid ex adverso reclamant scriptores medici nonnulli aliundè summis laudibus extollendi. (i) Dari quandoque putrida symptomata, inflammatoria quandoque, non negamus: sed illa, esse tantummodo secundaria & à morbo producta, enixe contendimus, genio illius & curatione congruâ freti.

Ast, inquit, congestio lactis in abdomine, ejusdem revolutionis, à naturâ statutum præit tempus: non ergò febrem causat puerperalem. Sed quis neget, graviditatis periodo, sic disponi mammas, ut lac jam incipiant secernere, imprimis circâ parturitionis tempus.

Urgent iterum: difficillimum est animo concipere, vel levissimam humoris blandi quantitatem, posse abundantiori locum dare congestioni & exinde atrocibus ventris torminibus, virjum que prostrationi. Mirandus quidem, sed demonstratus irritationis effectus est, quæ totam lactis in vasis & humoribus contenti massam, versus abdomen trahit. Nec obstat decantata laticis blandities. Opus non est, ut quòdammodo tantum, à naturali suo statu desleat; solus illius motus abnormis, & contra naturæ ordinem, à solitâ viâ, deflexio, sufficiens ad gravissima phænomena inducenda.

Curandi methodum quoque adhibitam incusant. Alia alii proponunt remediâ, antiphlogistica, cathartica, tonica, roborantia, sudorifica, acidula, vesicantia, balnea. Ipecacuanhæ efficaciam comprobavit experientia. Ad illam radicem, tanquam ad sacram anchoram, confugiendum. Puerperæ symptomatibus descriptis cruciatæ auxiliaturus accersitur medicus. Quid tunc? Num ad venæ sectionem recurret? Ast celebratâ iteratâque venæ sectione fere semper recrudescit morbus. Num propinanda cathartica, tonica, roborantia, sudorifica, acidula. Ab iis quidem, cautè exhibitis, aliquid forsân expectandum levaminis, sed urgentiora non sinunt accidentia. Num vesicantibus locus? Sed parum juvant: numquam ad balnea recurrendum. Exhibeatur autem vegetabilis emesis, evanescit malum, ita ut illud manu

(i) Illos inter, hunc paradoxum stabilire, omni ope atque operâ satagit Doct. J. P. Ermerins; in dissertatione medicâ, Lugduni Batavorum, anno 1782, propugnata; opus cerè profundâ eruditione refertum; sed, ni fallor, meris ratiociniis & auctoritatibus, non clinicis observationibus fultum. Cunctas puerperarum ægitudines, auctor, ad illam quam, cum omnibus, febriem puerperalem nuncupat, referre videtur: quod experientiæ consentaneum, nemo, nisi in rebus medicis planè hospes, dixerit.

ablaturum diceres. Doctissimorum itaque & expertorum medicorum vestigiis insistentes, jure ac merito concludimus.

*Ergo congestioni abdominali lactea puerperarum acuta, vulgò febris puerperalis dicta;  
Ipeccacuanha.*

### DOMINI DOCTORES DISPUTATURI.

M. Mathæus GERAUD.

M. Thomas LEVACHER DE  
LA FEUTRIE, Antiquus  
Facultatis Decanus.

M. Joannes - Carolus DES-ES-  
SARTZ, Antiquus Facultatis  
Decanus, Regii Medicorum  
Collegii Lugdunensis Socius.

M. Joannes - Augustinus COU-  
TAVOZ, Chirurgiæ Gallicæ  
idiomate Professor.

M. Bertrandus DUPUY.

M. Hyacinthus-Theodorus BA-  
RON, Antiquus Facultatis  
Decanus, nec-non Castrorum  
Regis & Exercituum in Germa-  
niâ & in Italiâ Proto-Me-  
dicus.

M. Joannes-Baptista-Eugenia  
DUMANGIN.

M. Joannes COLOMBIER.

M. Ludovicus-Maria POUSSE,  
Antiquior Scholæ Magister,  
Eques & Confor Regius, in  
premiû Facultatis exceptus  
anno 1732.

Proponebat Parisiis, CAROLUS-NICOLAUS BEAUVAIS DE PRÉAU,  
Aurelius, Doctor Medicus Bituricensis, Aurelianorum Medicorum Collegii  
Aggregatus, ejusdem Urbis à Regiâ Rei Agrariæ Societate, Regiæque Phy-  
sices, Historiæ Naturalis & Artium Societatis, olim, Secretarius perpetuò  
ordinarius, Academiarum Divionensis & Rhotomagensis, nec-non Collegi  
Medicorum Nanceiani Socius, Cenfor Regius & Saluberrimæ Facultatis Me-  
dicinæ Parisiensis Baccalaureus, Theſeos Author, A. R. S. H. 1785.

AB OCTAVA AD MERIDIEM.

---

Typis QUILLAV, Universitatis & Facultatis Medicinæ Typographi,  
viâ dictâ du Fouarre, 1785.